



Tir Yimym

www.tiryimym.in

Regd. No. RNI. NAGAAO/2004/13113. Postal-NE/RN-717.

e-mail : tiryimym@gmail.com

TAPAK 8

Yangia anidakangma :

Tir Yimym

tiryimym@aolima

tir yimym

TAPAK 3

Australian Open nungi nuktü yima
Sania Mirza tsükogo

Lok Sabha election atema opposition
senden amentsü: Nitish Kumar




VOL. XX NO. 106 (ADOK 106)

DIMAPUR KÜPTOKNÜ (SATURDAY)

ANEJETI (JANUARY) 28, 2023

₹ 5.00

Pariksha Pe Charcha 2023 nung Nagaland nungi kaketshirtem aser tesayur aden



Dimapur, January 27, 2023 (TYO): Prime Minister Narendra Modi-i kaketshirtem, tesayurtem aser tsuraburtem den sensaksemba 'Pariksha Pe Charcha 2023' sentong Hokolbarnü agiogo.

Iba sentong ya Talkatora Stadium, New Delhi nung tanep 11:00 ako nungi tenzük aser Prime Minister Modi-i kaketshir 1200 tema den sensaksemba liasü.

Iba sentong nung Nagaland nungia kaketshirtem aser tesayur kati shilem agiogo.

Ministry of Education ajanga Online Competition ka agidang Nagaland nungi Livingstone Foundation International School, Dimapur nung Class 11 kaketshir Visali Z Sangtam, Delhi Pubic School, Dimapur nung Class 10 kaketshir Hansuja Medhi aser Army Public School, Rangapahar, Dimapur nung tesayur Mompy Boruah nungeri iba sentong nung shilem agitsü shima liasü.

Ano, National Kala Utsav Competition nung Indigenous Toys & Gameshave kübok Second Position angur Government Higher Secondary

School, Diphupar nung class 10 kaketshir Nyemjun Konyak-ia iba sentong nung shilem agiogo.

Iba sentong ya Doordarshan nung DD National, DD Newsand DD India ajanga live sayu. Anosa, (All India Radio Medium Wave, All India Radio FM Channel) ajanga live angadaksü.

Maneni, PMO, MoE, Door Darshan, MyGov.in, MoE YouTube channel, Facebook Live aser MoE indang Swayamprabha channels ajanga Live Web streaming asü.

Department of School Education (DoSE)-i Nagaland nung school ajak nung Class 6 tema nungi kaketshir ajaki iba sentong reprangtsü/angatsü atema renemtsü tetuyuba agüja liasü.

Kohima nung Dr. Neilhouzhü Kire Government Higher Secondary School, Seikhazou nung live telecast reprangdang Commissioner & Secretary School Education Kevileno Angami, Principal Director School Education Thavaseelan K, NBSE Chairman Aseno Sekhose, Additional Director SCERT Keviraleu Kerhuo aser DoSE ketdangsurtem aden.

24 Angetyongpang AC tazüing kümogo

Dimapur, January 27, 2023 (TYO): 24-Angetyongpang assembly constituency nungi independent MLA Tongpang Ozukum-i assembly nungi sodi agiogo.

Iba ajanga January 27, 2023 nungi 24-Angetyongpang A/C tazüing kümogo ta Nagaland Legislative Assembly Secretariat-i Hokolbarnü metetdaksü.

Independent MLA Tongpang Ozukum-i sodi meshiba January 27, 2023 aniügdang agizükogo aser iba ajanga 24 Angetyongpang A/C tazüing kümogo, ta Assembly Secretariat-i ashi.

Külen, 23-Impur assembly constituency nungi MLA Dr Imtiwapang Aier January 7 nü arishi tembangba ajanga January 8, 2023 nungi iba menden tazüing kümogo.

Nagaland assembly election atema Surveillance Teams tenteter

Dimapur, January 27, 2023 (TYO): Income Tax, Government of India ajanga candidate temi sen amshiba reprangtsü aser ozüing alema sen benshiba azüoktsü atema Surveillance Teams tentetogo.

Tsüinglanglen agüja aliba Surveillance Teams, Air Intelligence Units (AIU), Rail Intelligence Unit (RIU) aser 24x7 Control Room tentetogo, ta Chief Electoral Officer (CEO), Nagaland V Shashank Shekhar, IAS-i Hokolbarnü sangdong ka nung metetdaksü.

- (i) Nagaland kübok district ajak nung Surveillance Teams.
- (ii) Dimapur Airport dena commercial airports ajak nung Air Intelligence Unit (AIU).
- (iii) Dimapur nung 24x7 Control Room-cum Complaint

Monitoring Cell.
(iv) Circuit House, Kohima nung Camp Office.

(v) Dimapur Railway Station nung Rail Intelligence Unit (RIU).

Iba dak sendakba nung ken o tem Dimapur aser Kohima nung lapoka aliba Control Room nung 24x7 Toll Free Numbers ajanga agütsütsü akok.

(i). Kohima : 18003453878

(ii). Dimapur : 18003453889

MCMC senden amen

January 27, 2023 nü State Level Media Certification and Monitoring Committee (MCMC) senden ka menogo.

Chief Electoral Officer (CEO), Nagaland V Shashank Shekhar, IAS menden ser amenba senden nung political Advertisement, Paid News, social media amala pre-certification indang onüktem

jembi. State Level Media committee and District Level committee-i ECI temzüng den liromedema Norms and Procedures reprangtsü atema CEO Shashank-i metetdaksü.

Registered National aser State political parties aser ano candidate shia indang political advertisement agütsütsü anogo asem jelia pre-certification asütsüla ta paisa metetdaksü.

Unregistered political parties mesüra tanga nisung kari certification atema application agütsütsü süra anogo tenet tejakdang agütsütsüla, ta CEO Shashank-isa ashi.

February 27, 2023 nü General Election atema electronic aser social media reprangtsüba indang workshop ka agitsü senden nungsa lemtet.

Nagaland dena NE state 6 nung Jio True 5G tenzükter

Mumbai, January 27, 2023 (Agencies): Hokolbarnü Reliance Jio-i Northeast circle kübok state 6 nung True 5G services tenzükba osang metetdaksüogoo.

Northeast nung True 5G services tenzükba yimitemji Shillong, Imphal, Aizawl, Agartala, Itanagar, Kohima aser Dimapur lir.

"Northeast circle nung state shia nung iba amai tenzükba ajanga Jio-i circle renloksü tenangzükba agia inyakba kuli sayur. December 2023 tashi nung North-Eastern state nung jila aser taluka shia nung Jio True 5G services angutsü" ta Reliance Jio-i metetdaksü.

"True 5G indang tajangzük

aika rongnung meta talang pilar alidak kodamasüba mapang healthcare ajanga takütem kümzükba asütsü. Jio Community Clinic medical kits, AR-VR-based healthcare with Jio Glass aser Tele Radiology & Connected Ambulance amala Smart Healthcare Solutions ajanga nisungtem ajangzükter" ta company-isa ashi.

"Tanü nungi tenzükba North-East Circle nung state 6 nung True 5G services tenzükba osang metetdaksür. Iba ajanga agriculture, education, e-governance, IT, SME, automation, Artificial Intelligence, gaming aser ano wadang aika nung teyari angutsü" ta Jio Spokesperson kati ashi.

"Jio True 5G ya ita pezü majungdang India kübok yimti 191 tongogo. India nungner shiai True-5G technology tashi aser tajangzük ajangshitsü atema ozü engineer temi anibelem arema inyakdar" ta paisa ashi.

State sorkartemi North-East circle digitizing mapa nung yaritepba atema pelar, ta paisa shisem.

January 27, 2023 nungi tenzükba Arunachal Pradesh (Itanagar), Manipur (Imphal), Meghalaya (Shillong), Mizoram (Aizawl), Nagaland (Kohima & Dimapur) aser Tripura (Agartala) nung Jio amshirtem Jio Welcome Offer angutsü. Iba ajanga parnoki sen talila meindoki Unlimited Data (up to 1 Gbps+ speeds) amshitetsü.

BJP-i Nagaland nung regional party ajak samatsütsü: Congress

Dimapur, January 27, 2023 (Agencies): BJP-i Nagaland nung regional party ajak samatsütsü atema inyaker ta AICC media coordinator Sujata Paul-i ashi.

Hokolbarnü Congress Bhavan nung osangbener den jembidang "tanü Nagaland tia ya chief minister Neiphiu Rio ajanga lir" ta Sujata Paul-i ashi.

"Rio ya ochimashi aser tashimait chief minister ka lir. Nagaland nung opposition maliba sorkar ajanga tesüiba küm pungu nung state indang khurettem mekoktet" ta laisa ashi.

BJP-i regional party ka dang akhümtsübu masür aser parnoki NDPP ya par kübok anioktsü meranger, ta Paul-isa shisem.

"BJP aser NDPP tsüingda 20:40 menden lemsar election nung tokteptsü renem saka tang BJP candidate sünür kari menden 30 nung tokteptsü atema akhanger. Iba takhangba ya Rio ajanga lir aser ano BJP-ia NDPP rongshir" ta Sujata Paul-isa ashi.

"Taoba mapang menden

20:40 lemsaba indang Rio-i jembir saka pai BJP den iba ken o mejembitet. BJP aser Rio tsüingda tesentaktep junga mali. Rio-i kechi tsübur? Enforcement Directorate-i pa dang asüingdangyatsü asütsü pai tsübur asü?" ta laisa asüingdang.

"January 22 nü BJP züingsemtemi Dimapur nung Deputy chief minister Y Patton'er kidang ghonda ana shi lungkak ait aser iba sülen parnok ajaki party toktsütsü amokmeren. Iba mapang Temjen Imna Along aser deputy CM Patton nati BJP züingsemtem mazüoktet aser tenati Assam chief minister Himanta Biswa Sarma dang iba ken o angatetteptsü atema teyari meshia liasü. Iba sülen iba ken o Delhi tongogo" ta Paul-i metetdaksü.

"January 29 matongdang Centre nung BJP-i iba ken o atema telemtetba ka agitsü ta tang asenoki angashir" ta laisa shisem.

Tanga state nung chief minister kati masü saka state

sorkari state indang khurettem koktettsüla, ta laisa ashi.

BJP züingsem kari tashi mangai inyakba ya asaa tasa atonger inyakba lir. BJP-i regional party tem samatsütsü atema tasa tulu atonga lir, ta Paul-i ashi.

"Iba tasa ya BJP-i dang masü saka Rio dena lir kechiyong pa ochimashi ajanga Nagaland tia iba tashi lir. Tang BJP-i opposition maliba Nagaland Assembly nung democracy samatsütsü atema Rio madak tashiyem amshia inyaker" ta laisa metetdaksü.

Iba rara ya BJP aser Rio-i aniba NDPP tsüingda dang masü saka BJP-i parnok ajangzüktsü aser tatem nung Nagaland nung regional party ajak samatsütsü atema inyaker, Paul-isa shisem.

Nagaland election nung Congress indang tebilemba kechi asütsü ta osangbeneri asüingdangdang "nenoki kobi melii metettsü aser onoki yakta candidate tem tenüng sangoktsütsü" ta AICC media coordinator Sujata Paul-isa ashi.

State tesem balala nung Republic Day amungba osang



MANGKOLEMBA

MONYAKSHU

BHANDARI

Dimapur, Aenjeti/January 27 (TYO): India linük den külemi Nagaland nunga tesem balala nung January 26, 2023 nü 74 buba Republic Day munga liasü.

MANGKOLEMBA: Mangkolemba Hq nung 74 buba Republic Day 2023 ya Public Ground Mangkolemba nung January 26, 2023 nü munga liasü.

Iba anogomung nung Additional Deputy Commissioner Mangkolemba T. Langkosen Tsanglao-i National Flag salatsüba sülen Republic Day o jembi aser department balalai amenoka aliba exhibition stall tem

semzükja liasü.

BHANDARI: Bhandari sub-Division nung 74 buba Republic Day ya January 26, 2023 nü Public Ground nung munga liasü, kong Additional Deputy Commissioner Bhandari, Rohit Singh IAS tongti tesemdanger liasü.

Tongti tesemdangeri sentong nung linük nisan salatsüba sülen nung linük nisan salatsüba sülen Youth Department BTBC, Bhandari ajanga national anthem aten. Iba sülen ADC ajanga parade semdanga liasü, koba Ringamlung ABI 7th NAP Bhandari lenisüba kübok liasü aser March past contingents

nung 7th NAP Bn, GHSS Bhandari, 7th NAP Unite school, aser GHSS Bhandari nungertemi shilem agia liasü.

Iba anogomung nungtem nung Bhandari village ajanga sobaliba tsüngsang ka agi shilem agi aser Athungo Mozhui-i temeja ken ka aten.

MONYAKSHU: Monyakshu SDO (C) headquarters nung 74 buba Republic Day munga liasü.

Iba anogo S. Bumang Hd. DB in charge ajanga national flag salatsü, kong department balala nungi staff tem, DBs aser village guards tem dena liasü.

Longleng nung National Girl Child Day mungogogo

Dimapur, Aenjeti/January 27 (TYO): District Administration, Beti Bachao Beti Padhao & Sakhi One Stop Center Longleng ajanga "She is our Tomorrow" omen nung ajemdaker Bautung Govt. Higher Secondary School compound Longleng nung January 21 nungi 24, 2023 tashi National Girl Child Day munga liasü.

January 21 nü OSC team den District Administration ajanga Longleng kübok ward balala nung süngdong 50 shi tema liasü. Iba mapang parnoki tetsür tanur temeden asoshi awareness agüja aser temaitsü "Trees for Daughters" tema liasü.

January 22 nü yimyim ayimba sentong ka wards 11 nungi lanurtem asoshi ayongzüka liasü aser iba sülen

Inter Ward Girls Volleyball Competition ananü ayongzüka liasü.

Iba mapang Nyenching Ward Youth ajanga Beti Bachao Beti Padhao indang ken tena liasü aser Trongdiba Tongpi, SDO (Civil) Longleng ajanga iba anogomung teratet shia liasü.

EAC HQ, Longleng Chingmei-i iba anogomung omen "She is our Tomorrow" nung ajemdaker jembia liasü. Lai tetsür tanurtem dang shisatsü tali angutsü asoshi inyakyim ajak nung shilem agitsü aser tali tajungba renloksü ajungshia liasü.

Tetsür tanur ka meimba, anepaluba aser akumtsübobaji kidang nungi tenzüker, ta lai ashi.

Laisa linük nung tetsür temi timtem balala ajuruba indang

nung jembi aser tetsür tanurtem temeden indang angatetdakja liasü.

Inter Ward Girls Volleyball competition nung Longleng kübok ward toku nungi shilem agia liasü, kong mezüing jenang Medical Ward, tanabuba jenang Agri Ward aser tasembuba jenang PPC Ward ajanga nguteta liasü.

Slogan competition nung Bahok Ward nungi Alei E Phom, Leinak Ward nungi Aman T aser Muli Ward nungi S. Metlen nungeri mezüingbuba, tanabuba aser tasembuba jenang ngutet.

Best Discipline team ya High School aser Bahok Ward nem agütsü aser Best Player sempet Medical Ward nungi Nyuang nem agüja liasü. Item tetoktepba nung takok angur nem senpet den kulizüing kaket tem agüja liasü.



Kiphire jila nung Pre-Trial Destruction Order ka kübok January 23, 2023 nü Indian Made Foreign Liquors (IMFL) tem sen 250,000 alang raksa indokja liasü. 'Pre-Trial Destruction Committee' züngsem EAC, SDPO, APP, OC/P.S, P. I aser DPRO Kiphire, nungertem lia iba mapa ya inyak.

DC & DEO Kohima ajanga HODs tem dang metetdaksür

Dimapur, Aenjeti/January 27 (TYO): Deputy Commissioner & District Election Officer Kohima, Shanavas C IAS ajanga sangdong ka nung 14th Nagaland Legislative Assembly 2023 atema General Election agitsü aliba mechi Kohima District kübok heads of offices

ajak dang election inyakyim matem tashi station nung alitsü metetdaksür.

Maneni election duty atema requisitioned/drafted sür aliba officers/staff nem Deputy Commissioner & District Election Officer, Kohima dang masüngdangi leave magütsütsü, ta sangdong ajangasa ashi.

Kohima nung District Contact Centre amenokogo

Dimapur, Aenjeti/January 27 (TYO): 14th Nagaland Legislative Assembly, 2023 atema aruya aliba General Election dak sendakba nung toll-free number 1950 aliba District Contact Centre aser 24X7 Control Room ka Office of the Deputy Commissioner and District Election Officer, Kohima nung amenoka lir.

Officer in charge: Ruoguoлие PS to ADC, Kohima District Contact Centre Toll-Free No: 1950 24X7 Control Room No: 03702290148/03702290178 Aruya aliba State Assembly Election, 2023 dak sendakba nung nisung mashi kati agüja aliba number nung jembitettsü.

College of Arts & Technology indang website lapokogo



Kohima, Aenjeti/January 27 (TYO): Kohima district kübok Nerhe Phezha nung aliba College of Arts and Technology (CAT) indang website catkohima.in Hokulbarnü lapoka liasü.

Development Limited ajanga yanglua liasü.

Iba sülen kasa anogo "Web Management and Graphic Designing" nung workshop ka ayongzüka liasü, kong Er. Rote-i website amshiyim indang sayua liasü.

Iba website nung college indang nüngdakba osangtsüsang teperi angutsü, koba communication devices balala ajanga amshitettsü.

Iba sentong nung menden Aosenla Longchar, Dean of Academics CAT liasü aser Dziesekhono Mere, Dept. of Sociology, CAT ajanga melepzüing o jembia liasü.

Iba website ya Er. Ketusezo Rote, Technology Officer, Kohima Smart City

DC & DEO-i election training agitsü sangdong

Dimapur, Aenjeti/January 27 (TYO): Deputy Commissioner & District Election Officer Mokochung, Shashank Pratap Singh IAS ajanga sangdong ka nung ashiba agi, 14th Nagaland Legislative Assembly 2023 atema aruya aliba General Elections agitsü dak sendakba nung sorkar mapa inyaker Mokochung District kübok election duty inyaksü atema shima aliba Presiding Officer, 1st Polling Officer, 2nd Polling Officer, 3rd Polling Officer aser Grade IV staff tem atema 1st Round training ya February

2 aser 3, 2023 nung agitsü. 2nd Round training ya February 14 aser 15, 2023 nung agitsü aser Final Round training ya February 21 aser 22, 2023 nung agitsü, ta sangdong ajanga ashi.

Mokokchung District kübok Head of the Department/ Offices ajak dang pei establishment nungi shima aliba ketdangsurtem ajak iba training nung adeni yoktsü tuyur. Sorkar mapa inyaker kari Election training/duty nung medenra Election law kübok merenshitsü, ta sangdong ajangasa ashi.

NSCN/GPRN ajanga Bushu Jiba benjong salem lemsatep

Dimapur, Aenjeti/January 27 (TYO): NSCN/GPRN ajanga Kachari/Dimasa kin dangi Bushu Jiba benjong salem abener, ta NSCN/GPRN (Akato Chophi) indang sangdong ka nung ashi.

aonung meta amunger aser ibaji January ita tatemlen alu ruzüka jen nung yur amunger.

Kacharis/Dimasas nunger madak temaotsü lidakjang aser temeim aser yimjung lenmang nung samanir südakjang, ta NSCN/GPRN sangdong ajanga ashi.

Iba benjong atema anogo telatet ka mali saka anü meyi



January 27, 2023 nü New Delhi nung 'Pariksha Pe Charcha' programme nung Ato kilonser, Narendra Modi-i kaketshirtem, tesayurtem aser tsüraburtem den jembiba noksa nung angur.

Lok Sabha election atema opposition senden amentsü: Nitish Kumar

New Delhi, Aenjeti/January 27 (Agencies): Hokolbarnü Bihar Chief Minister, Nitish Kumar-i, Congress lenir, Rahul Gandhi leniba nung agiba 'Bharat Jodo Yatra' tembangba sülen sangküm Lok Sabha election atema opposition party tem senden amentsü yongyar, ta metetdaksü. Congress Party indang 'Bharat Jodo Yatra' ya January 30 nü Srinagar nung tembangtsü. JD(U) lenir, Nitish Kumar-i Bihar nung Congress party den loktepa liasü. Chief Minister Nitish Kumar-i, Congress party indang 'yatra' ya party telung indang sentong ka lir, ajisüaka Lok Sabha election nunga

'Mahagathbandhan' teloktep nung aliba party ajak (7) longjemtsü, ta metetdaksü. Paisa, JD(U) parliamentary board tongti, Upendra Kushwaha-i party tashi meiti kümдар, ta jembigo, ajisüaka party-i pa anema kecha meinyaktsü, ta ashi. "Iba yatra tembangtsü atema ni atar, iba sülen party tem (BJP anemba party tem) senden ayongzüka amentsü. Iba senden nungji onoki Lok Sabha elections atema asalentong yanglutsü," ta Kumar-i osangbenertem nem metetdaksü. Taoba mapang BJP-i aniba NDA teloktep nung dena alisang Kumar-i taküm August ita nung ajungbena NDA

teloktep tokja liasü. Kushwaha dak sendakba nung tasüngdangba ka langzüdang Kumar-i, "Onoki assembly elections nung menden 43 nung ang takok angu, ta pai meteta lir. Pai teimla kanga mekara pai meyipa maruba tajungba süla. Ni ajanga dang pa party-i meyipa aruteta liasü, kechiyong nisung aikati pa tanaben agizüksü memelungi liasü," ta ashi. "Ozü party membership drive agiba mapang züngsem lakh 50 aliba nungi tangbo lakh 75 jungogo. 2020 küm assembly elections nung züngsema jema aküm, kechiyong iba mapang nungji özü teloktep party-i (BJP) onok meyari," ta pai metetdaksü.

Himalaya nung ano China sepaitem den rara adoktsüa akok

New Delhi, January 27 (Agencies): Himalayan region nung China sepaitemi raraba infrastructure amenokba mapang nung Ladakh nung police security agencies ajanga, Himayalan region nung ano China sepaitem den rara adoktsüa akok, ta metetdaksü. 2020 küm Ladakh nung China sepaitem den raraba mapang nung India nung sepai 24 shi asü, ajisüaka iba sülen yimtenren aser sepaitem jengang nung senden aiben ayongzüka ken o jembia aruba sülen tensa süngjema liasü. Yaküm December ita nunga anüdoklen Himalayas nung linük ana tsüngda sepaitem rara ajisüaka yiruba dak alaka nisungbo masü.

January 20-22 anogotem nung police tongti ketdangsertem senden amenba mapang nung Ladakh police indang research report ka agütsüogo. Arrtsülen aliba police-i osang agütsüba nung ajemdaker iba report renema liasü. Iba report dak sendakba nung Indian army-ibo telangzüba kecha magütsü saka Ato kilonser, Narendra Modi-a adenba senden ka nung kasa report ji agütsüogo. Iba report dak sendakba nung China foreign ministry-ia telangzüba kecha magütsü. Report nungji yamai shia lir, "China sorkari rongshiba aser region nung parnoki rongsenkettsüng tsütsü tenük yokba nung ajemdaker PLA-i

(People's Liberation Army) maneni arrtsülen mitkar infrastructure amenoker, anungji mapang shia rara adoktsüa akok." "Raraba aser mangatettep adoka tensa raksaba asadangra 2013-2014 küm nungi tenzüka küm 2-3 shia rara adoker," ta report nungji shia lir. "China tsütsü arrtsülen PLA sepaitemi raraba hadir bendener aser mapang shia sepaitem yoker," ta report nung shia lir. India aser China tsüngda arrtsüji kilometer 3,500 talang lir aser 1950s nungi tenzüka arrtsülen mapang shia rara adoker. 1962 küm nungbo linük ana tsüngda rara tulu adoka liasü.

Jadavpur University nung Gujarat rara indang BBC Documentary sayu

Kolkata/New Delhi, January 27 (Agencies): West Bengal nung aliba Jadavpur University nung Left student's body-i ayongzüka 2002 küm Gujarat nung rara tulu adokba indang BBC documentary sayu, aser ibaji kaketshir 100 dak temai repringogo. Tawa Centre sorkari Gujarat rara indang documentary video clips ajak YouTube nungi agientsü aser Twitter posts agientsü tuyua liasü.

arua liasü. Ibaji ajanga tesem nung tensa raksatsü, anungji nenok senshiang, ta tuyu saka parnoki tashi mangaba agi apu," ta metetdaksü. Ambedkar University nunga iba documentary sayuba nokdangtsü atema police yoka liasü. Ambedkar University nung Students' Federation of India unit-i, college ketdangsertemi light supply raksatsüba ajanga iba documentary mesayutet, ajisüaka kaketshirtemi pepei phone nung iba documentary repringogo, ta metetdaksü.

BBC indang documentary 'India: The Modi Question' sayuba sülen India nung aikati BBC aija liasü. BBC-i ashiba agi, 2002 küm Ato kilonser, Narendra Modi Gujarat nung chief minister inyakba mapang atalokba rara indang parnoki jungjunga bushisüngdangogo. Communist Party of India (Marxist) indang kongsang Student Federation of India (SFI)-i, Brihostibarnü Jadavpur University nung iba documentary sayabaji police mesüra institute ketdangertemi menokdangi liasü, ta metetdaksü.

BBC indang documentary ana rongnung mezüngbuba shilem India: The Modi Question ya January 17 nü sayaa liasü iba sülen Mongolbarnü tanabuba shilem saya. Iba sülen January 20 nü India sorkari Information Technology Rules, 2021 nung aliba emergency tashi amshia YouTube aser Twitter dang iba documentary video clips agientsü tuyu. Tan hopta tetenzüklen Delhi nung aliba Jawaharlal Nehru University aser Jamia Millia Islamia University nunga iba documentary sayutsü sentong aliba nokdanga liasü. Iba documentary sayutsü merangba atema Bodhbarnü Delhi Police-i nisung 12 puogo.

SFI state unit assistant secretary, Subhajit Sarkar-i, onoki maneni Hokolbarnü Presidency University nung iba documentary sayatsü, ta metetdakja liasü.

Iba documentary nungji yamai shia lir, British sorkari inquiry team ka yoka liasü aser parnoki bushitetba agi, Gujarat nung Muslim nung anema raraba menokdangdaksütsü atema Modi-i Gujarat Police soita liasü.

Ano tanga osang ka nung, Hokolbarnü Delhi University nunga Gujarat rara indang BBC documentary sayutsü merangba atema kaketshirtem kar puogo.

Inquiry team nung züngsem rongnung ka- taoba mapang British ketdangser kati, Gujarat nung rara asalentongji RSS indang affiliate Vishwa Hindu Parishad (VHP)-i yanglua liasü, ta ashi.

Delhi Police-i Delhi University's Arts Faculty nung kaketshir 24 apu.

Osangbener den jembidang Deputy Commissioner of Police (North), Sagar Singh Kalsi-i, "Nikongdang 4:00 ako meta nisung 20 shi sorkari nokdangba BBC documentary sayutsü atema Arts Faculty-i

Bank of Baroda
NAGA BAZAR BRANCH
 P. B. No. 8, Naga Bazar, Main Road, Kohima, Nagaland- 797001
 Email: vjkohi@bankofbaroda.co.in

[Rule 8(1)]
KIOJEN MEYIPA AGIBA NOTICE

Securitization & Reconstruction of Financial Assets and Enforcement of Security Interest (Second) Act, 2002 aser Security Interest (Enforcement) Rules, 2002 kübok Section 13(12) nung agüja aliba tashi nung ajemdaker, Rule 3 den azüngtsü akok, tsünglanglen sign sua aliba Baroda, Naga Bazar Branch ketdangseri **February 2, 2022 nü Demand Notice** ka ajanga sen apur **M/S. QUALITY CARE, Prop. Mr. VESATO THELUO** dang iba notice anguba mapang nungi tenzüka anogo 60 tsüngda notice nung shia aliba sen 19,00,241.15 (sen lakh terteku, sen noklang ana ser lirka aser poisa lir) agüjang ta metetdakja liasü.

Ajisüaka sen apuri senji magütsüet nung sen apur aser public dang, tsünglanglen sign sua aliri ketdangseri iba Act nung Section 13 kübok sub-section (4) nung pa/la nem agüja aliba tashi nung ajemdaker, Security Interest (Enforcement) Rules 2002 Rule 8 den azüngtsü akok, 2023 küm January 23 nü tsünglanglen shia aliba kiojen agiadokogo, ta sangdonger.

Talisa sen apur aser public dang iba kiojen shishilemba masütsü tekümdangtsü metetdaksür aser iba kiojenji shishilemba ibaji sen 19,00,241.15 (sen lakh terteku, sen noklang ana ser lirka aser poisa lir) den interests densema Bank of Baroda indang asütsü.

Section 13 nung aliba sub-section (8) nung ajemdaker sen apur dang item kiojen alangzüksü atema mapang shidak nung inyaktsü metetdaksür.

Kiojen osang tejangja:

Item No.	Land description	Extent/Areas of Land	Location	Boundary
1.	Equitable mortgage of Land and Building situated at Old Minister's Hill, Kohima- Patta No. 4832(old) Patta No. 6309(new), Plot No. 2031 (v), Area 1506 sq.ft	1506 sq.ft	Old Minister's Hill, Kohima, Nagaland	East: Foot Step/Road South: Govt. Quarter West: Govt. Quarter North: Lt. Rev. Dr. Neilliezhü Usuo

Date: 23.01.2023
 Place: Kohima
 Authorised Officer
 Bank of Baroda, Naga Bazar Branch



Mumbai, January 27, 2023: Mumbai nung Thane district kübok Bhiwandi Khadipar area nung anaben amentepa asüba ki chirepa aliba noksa nung angur.



TIR YIMYIM YIMOBILEM (EDITORIAL)

DIMAPUR KÜPTOKNÜ, AENJETI (JANUARY) 28, 2022

Clean election ya kechi ?

Asen lima nung election kangasa mejungi agitepba agi aji junga agitsü jembibaji 'Clean Election' lir. Tetezü memerüki agia aruba election yimya ajak merüktetter, election ya merükmerüka shitak agidaktsütsü merangba olaji 'Clean election' asütsü. Atangji, ajaki election ya shitak merükmerüka ochishia aginer saka makoker, kechiyong takok toktepdang ma ta tashiyim amshir aser senotsü agi nübortem mesüzüksü meranger. Aji oda, nübortema ochishia linüyonga aser election nung merükmerüka shilem aginüyonga makamaitba agi ma ta sen terayong aser mapa tilakayong pei vote yokadoker. Iba tensa tiaji tanü asenok asoshi yimten tongpang dang masü saka Tsüngrem tsütsüa tanüla tongpang ka kümogo, kechiyong Clean Election tongpang ya temerük o memerük na, shitak o meshitak na aser ochi o ochimashi na tsüngda raraba tongpang lir. Ibayongji, arogoia shilem tulu agitsüsa adoker. Ajisüaka, arogo tetezüji pastorba kisung masü mesüra deacon-tem kija dang ashirba masü mesüra arogoi shimtetba committee purtema kisunga masü saka Yisu Khristaji ajak madak kibur ta agizüka shirnoksa tzü nung tzüsena arogo züngsem aküm, parnok ajakji arogo nunger, anungji Clean election atema arogo nem nungloksüba mapa nungji arogo nunger ajak kasasa khuret lir. Nagaland nung alir Naga nungertem asoshibo tajung kaji, nisung ajak arogo nunger lir, anungji Clean Election nükjidong ya melamelaa tongtettsüba ser nung asenoki metongtet aiben asenok rongnung tezudangtep alur. Ajisüaka, alima nung lokti tangatetba jenjang ka bushia aienba maparen nung tang asenoki ajuruba tensa tia yaa ka asütsü südi ta bilemer. Tang mapangba ya asenok ya tashitemeteter-a masü aser mashimemeteter-a masü, tangateter-a masü aser mangatetter-a masü, tetsüngda jenjang ka nung asenok odagi. Aji oda, langtembo toktsüogo saka suit-a malitet kangshiba mapang lir. Aji oda, asenoki alima nung tangar libaliro ajak angur saka asenoki parnok amaji melitetter ta asüba putu ka nung, asenok mapa meinyak ser ayongayonga tangar jilu abentsü merangdang asen taküm, asen temeten aser asen temang tashi ayoktsüsa akümer. Atangji, election ya nübortem nem pei taküm aser kibong nungdak anepalutsütsü atema yimsüsür shimtsü temeten aser maangka agütsüba anogo ka lir, anungji election-i aieritem nungi teyari imlatsüba tim dang lir. Ajisüaka, election mapang vote agütsütsü asoshi sen aser government mapa meshibaji tim masü, aji memerük aser ochimashi mapa lir. Kasaji takok angutsü atema tashiyim amshibaji tim masü. Kodaser nübortem asoshi tajung inyaksü atema nübortem tsübudakja tashiyim amshitsü? Election mapang item tim masüba mapatem anema senso shiai nunga ta nokdaktsü tim. Election mapang candidate dang sen tera meshia achibaji masü saka election temer külen mapa inyak ajungtsüsa light shitak arudakjang, gari lenmang shitak yanglujang, manemshilu mapang jet ta taneptsü angutsüsa mozü ki kanga junga yanglujang, chirnurtem kaketshisatsü bushiba nung senotsü meindoki tajung akümtsüsa kaketreju tajung lapokjang aser mazüngertema mapa angutsüsa asen lima nung kechisarina yangluba mapa inyakdak lapokjang ta akangtsüla. Item onüktem ya election mapang jembiba onüktem asütsüla. Aji oda, vote alitsü aser ayoktsüba otsü mejembii kodang item nungdak ken o jembii tenzükdir, asen lima nung shitakba ochiba election-ji agitettsü. Election nung vote ayokba sen agibo asen kibonga bener moutettsü, chirnurtema kaketshisatsü junga mengutettsü, shirangba mapang taneptsü mengutettsü aser peisasa mapa nguteta meinyaktettsü. Joko, asenoki itemji angatetdi aser Clean election atema asenok nisung shiai shilem kakabosa agidi.

OLEMSABANG

NAGALAND KHRISTA ASOSHI VS INDIA HINDU ASOSHI,
KHRISTAN YIMSÜ ASER RELIGIO-POLITICAL TAYONGZÜKBA

~ K.Temjen Jamir, Yimozülur, Tir Yimyim.

Koba lima nung südir süaka yimten o tamangba yimsü na ya sendaktepa lir, iba jagi piladi asüyonga mepilatetter. Ibaji kodang asenoki jungjunga bilemdangdir, tamangba yimsü asoshi yimten alir masü saka yimten asoshi tamangba yimsü alir ta asenoki angatettsü. Tetezü, tamangba yimsü junga amangdaktsünüba agi yimten kümte masü saka yimten yimsüsürtem nem ochishia yimsü sädaktsünüba agi aser nübortem tesünep nung azükarua lidaktsütsü atema alima nung Tsüngrem dak amangtsü asoshi tamangba yimsü tentetba kulitem asenoki temeshi kaketter nung angutsü. Aji oda, asenoki Yisu Khristaji Tsüngrem chir, asenok meimchir temenen nung mesamadaktsünüba agi Pa alimai nisung kümer alu aser kangki nung angenlok aser shia aru aser ano tanaben Pa asenok anii arutsü ta amanger aser ibaji asenok tamangba Khristan yimsüji lir.

Ajisüaka, tamangba yimsü ya amanger dang ayutsüba mapa ka masü saka amangbaji mapa küma inyaksü khuret tulu lir. Iba jagi, asenok Khristan yimsü dak amangertem asoshi teinyaksü tongtibangtibaji Yisu temeim indang kuli asütsüba indang Mark 16: 15 aser T.Mapa 1:8 nung shia angur. Tetezü, asenok Khristan mapaji asenok kija amangba agi meperir saka alima nung nisung ajak Yisu dak amanger, Pa nütsüng kümdaktsütsüla. Iba tangatetba aser temulungtetba nung asenokia tamang tulu agi ' Nagaland Khrista asoshi' ta nangzükogo. Tetezüji, Naga nunger ajak Khristan asütsü aser Naga nunger Khristan ajaki Yisu nütsüng küma Pai mulungba mapa inyaksü ta mulungtetba mapa ka lir.

Ibaji mesüka India nung Hindu yimsü dak akangasünga amangba telok Rashtriya Swayamsewak Sangh (RSS) telokia India ya Hindu lima, Hindustan akümtsü meranger. 1948 küm January 30 nikongdang Mahatma Gandhi tekülemdaki oa alidang kasetsang Nathuram Godse-a RSS telok nung züngsem tajung ka liasü. Ibayongji, Gandhi kasetba dak aketba maparen ajanga RSS telok inyakyim mesademi aküm, ibayongji Hindu lima ka asoshi yimten nung sadema inyaksü atema RSS teloki 1951 küm yimten telok ka tenüng agi Jana Sangh tentet aser tesülen iba telok ya Bharatiya Janata Party (BJP) telok aküm. Gandhi tepsetsang Nathuram Godse-i pai Gandhi kasetba atema kodanga sasaa mebilem, okadak ken o jembidanga ken o nung jena mao, taochi aser taidok memeshi, saka India ya Hindu nunger lima akümtsü asoshi pa taküm tenla agütsüba asoshiang pai pasasa kanga temulungsüa bilem.

Nathuram-i Gandhi kasetba kuliji Gandhii India yimten nüchiso asoshi raraba mapang nungi pa asüba anogo tashi Muslim nunger mechi maparen aika nung Hindu nunger timtemdaktsüba aser akoksadaktsüba ajanga liasü. Mohandas Karamchand Gandhi ya Hindu nunger saka pai India nung tamangba yimsü ajak longjema aser putepa alitsü asoshi inyak. Iba jagi India nung, yimten nüchiso mangudanga aser ngur külena, Hindu nungertemi tangar tamangba yimsü Muslim aser Khristan telok anema inyakba mapa tamangtem Gandhii odia yimjak nung aitsü aser Hindu nungertem songtem. Iba jagi Hindu yimsü agi India amokbangtsü merangba yimten teloktem Hindu Mahasabha aser RSS nung inyakeritem Nathuram Godse nunger amaji kanga jashidaktsü.

Iba amaji India lima ya Hindu lima, Hindustan akümtsü asoshi taküm tenla dena agüja inyaksü mulungtetba yimten telok BJP teloki tanü India nung yimsü asür. BJP telok tangatetba, tejangraba aser temulungtetbaji Ayodhya nung Ram asodak Muslim nunger tenla ki yanglua akadak Hindu nunger tekülem ki yanglutsü; India nung kin kidong aser tamangba yimsü ajak asoshi ozüng aser sobaliba inyakyim ka dang asütsü, tanga bendang limatem nungi Hindu yimsü dak amangertem anir arua India senso jenjang agütsütsü, Hindu nunger tanga tamangba yimsü agizüka amangertem tanaben Hindu yimsü dangi meyipa anir arutsü, joko senso shinga tamangba yimsü memelenshitsüsa linük nung ozüng tesashi takang lateta ayutsü, linük nung nashi metepsettsü aser nashishi meyokdaktsütsü. Item ajakji BJP teloki renemba Hindutva sentong dak aketba sentongtem lir. Hindutva tetezü sobaliba aser inyakyim ajak Hindu yimsü nung aotsüsa inyakbaren.

Ibayongji, Hindu yimsü dak amangba yimsüsürtem asoshi Hindutva ta asüba ya, India lima ya Hindu lima akümtsü asoshi amangba aser inyakba yimten tangatetba ka lir. Iba tangatetba nung India lima ya Hindu lima akümtsü asoshi 1923 küm Hindu Mahasabha lenir Vinayak Damodar Savarkar-i anir tenzükbba sentong, tanübo RSS, VHP aser BJP yimten teloktem nükjidong aser rongdak nungdak teinyaksü kümer inyakba asenoki angur.

(Maneni asüng adok nung...)

Iba Olemsabang nung lemsaba ken-o aser shisatsü ya iba ocet züluri bilemba ken-o ama tazünger angateta agitsü mepishir

Cambodia linük nung Khristan yimsü arur küm 100 jungogo



Cambodia linük nung Siem Reap ayong nung apongdeka yangluba yimtsüing ka nung Tenla ki kima Khristantem sarasademba noksa nung angur.

January 27, 2023: Cambodia linük nung Khristan yimsü aruba sülen January 27, 2023 nü küm 100 jungogo; iba anogomong nung Ato kilonser, Hun Sen-i linük nung yimsü balala amangertem ajak tesünep nung alitsü atema ayongzükba den külemi Arogo lenirtemi dang tangartem Khristan yimsü dangi kangshia memeyipdaksütüla, ta mepishi.

Cambodia linük nung mezüngbuba Christian mission ji Portugal Dominican order nungi Gaspar da Crus-i tenzüka liasü, ajisüaka iba mission tamakok angu.

Iba sülen tangartemia Khristan mission tenzük, ajisüaka Ato kilonser, Hun Sen-i Cambodia nung Khristan yimsü mezüng arubaji Christian Missionary Alliance aruba küm (1923) züngshir. 1923 küm nungji Khmer oshi nung Tasen Lai meyipzük aser 1953 küm Tejen Lai-a meyipzükma-a liasü.

Ato kilonser, Hun Sen-i, 1998 küm Cambodia nung küm 30 tashi raraba civil war anenba mapang nungi linük nung Khristan denomination balala kanga renlokogo; 1975-79 küm Khmer Rouge yimsüsüba mapang nung tamangba yimsü ajak nokdanga liasü aser yimsü balala amangba atema nisung

meyirjang aika tepseta liasü, ta metetdaksü.

Khmer Rouge yimsüsüba mapang nungjisa Cambodia linük tesem balala nung Catholic Tenla ki 73 raksatsü/samatsü, Phnom Penh Tenla ki bendoktsü aser Khristantem tasü mang aremba leper ka raksatsür somoso farm tenzük.

"Rara aliba mapang nung yimsü-a timtemer. Tang Ukraine nung tatalokba asenoki meteta dang lir. Cambodia nung tang yimjung aliba ajanga pelar; asenok azükarur," ta Hun Sen-i ashi.

"Onoki asen litsü nung yimsü dak sendakba rara adoktsü memelar.

Nisung bendangshidangba mesüra yimsü nung ajemdaker reshikangshibaji linük terenlok atema tetsükdaksü masü, ta ni aiben jembia aruogo. Yimlibilema tangar ka yimsü melenshitsütsü temerang," ta Ato kilonseri mepishia metetdaksü.

Cambodia nung Khristantem nütsüing kanga ajema lir. Pew Research Center-i ashiba agi linük nütsüing shilem 0.7 shi dang Khristantem lir aser parnok teimbaka Catholic lir.

"Onoki nisung bendangshidanga züngshiba anema nokdaker. Onoki asen litsüing nung yimsü dak

sendakba rara khenyongi memelatsü. Nisung bendangshidangba aser yimsü nung ajemdaker telemsa adokdaksüba ya Cambodia yimli nung memelatsü," ta Hun Sen-i metetdaksü.

Paisa, Khristantem rongnunga telemsa madokdaksütüla, ta ashi.

Alima nung linük aikati Cambodia nung yimsü balala amangertem tesünep nung litetba atema tenüngsang agütsür, aser iba ya pai aniba sorkari inyakyim shidak benokba ajanga lir, ta shia pai Khristan lenirtem dang, denominations balala süaka longjema alitsü aser tanga yimsü dena tesendaktep tajung alitsü ayongzük.

"Iba benjungmong (Khristan yimsü aur küm 100 ajungba) ya ajanga Cambodia nung yimsü renlokba temaitsü sayur. Anungji linük aser nüburtem atema sorkari linük nung yimsü ajak temeden pusemer aser temeden balala agütsür," ta pai metetdaksü.

Paisa, civil war sülen linük asüngsashiba mapang Khristantemi tongti shilem agiba aser coronavirus wara mapang nung Khristantemi wara anema raraba aser loktiliba tenzükba atema Khristantem dang pelaba lemsatop.

Nigeria nung anogo asemnü tsüingda Khristan 17 tepsetogo

Abuja (Nigeria), January 27 (Agencies): Taoba Hokolbarnü Nigeria nung Khristan 12 tepsetba sülen Amongnüa (January 22, 2023) Khristan pongu tepsetogo.

Bauchi state kübok Tafawa Balewa County nung alirtemi ashiba agi, Amongnü Fulani teloki Khristan nütsüing teimba aliba Gambar Sabon Layi amakba mapang nung Khristan pongu tepset aser Khristan ka puer ao, ta metetdaksü.

"Amongnü (January 22) anepdang 3:00 ako meta Fulani teloki Gambar Sabon Layi amakdang Khristan pongu tepset aser Kheistan, Daniel Dabwa puer ogo," ta iba area nungji alir Godwin Moses-i osangbener nem metetdaksü.

Iba tesem nungjisa alir, Manasseh Danladi-i,

yimmakertemji Fulani kiralongrartem liasü aser asürtem rongnung kabo par kinünger lir, ta metetdaksü.

Iba tesem nungjisa alir Princess Ella-i, "Gambar Sabon Layi nung alirtem atema iba ya tanak Amongnü lir, kechiyong Khristan züngsem pongu tepset aser ka puer ao," ta ashi.

Tafawa Balewa ya Khristanatem teimba aliba area ka lir aser mapang shia Islamic kiralongrartem aser Muslim Fulani teloki iba tesem amaker. Mapang shia kiralongrartem amakba ajanga yimtsüing aika nung Khristantem jenshiogo.

Hokolbarnüa (January 20) Benue state nung Fulani teloki anepdang züngia Abagena yim amakdang Khristan 12 tepseta liasü. Abagena ya state yimtiba, Makurdi anasa lir.

Security adviser, Paul Hembra-i, "Ayaterm süiba sülen minute ishika dang lirbo Fulani teloki Khristantem amak," ta metetdaksü.

"Fulani teloki tepsetba Khristantemji Gbashaor Acho; Gbashaor Joseph; Anshe Dekera; Ancho Kpor; Eunice Gbashaor; Sewuese Gbashaor; Terlumun Ajah; Emberga Gbashaor aser Donald Gbashaor nung liasü ta jangjaogo. Asürtem rongnung tebur ka, pa kinüngtsü aser par tanur pezü densema lir," ta ketdangserisa metetdaksü.

Iba tesem nungji alir, Ivor James-i, yimmakertemji Fulani züngsemtem lir aser parnok amakdang Khristantem asüba dang masü saka aika yirutsüogo, ta metetdaksü.

"Abagena yim dang masü

YOUR SORROW WILL BE TURNED INTO JOY (JOHN 16:20)

JESUS CALLS PRAYING FOR THE WORLD

NAGALAND PRAYER Festival

CO-HOSTED BY WESTERN SÜMI BAPTIST AKUKUHOU KÜQHAKULU (WSBAK)

WARM WELCOME TO HON'BLE CHIEF MINISTER SHRI NEIPHIU RIO

28 & 29 JANUARY 2023
SAT. SUN 4PM

GOD'S WORD & PRAYER:
Dr. PAUL DHINAKARAN & FAMILY

VENUE: **AGRI EXPO GROUND**
4TH MILE, DIPHUPAR, CHUMUKEDIMA 797115, NAGALAND

FOR DETAILS: 93609 04051 / 88263 40055

ANOGO ABEN TSÜNGREM DEN

NAI KIBUBA TESENTOK

"Kodang Rehoboam yimli akanga aser tashi ita aküm, pai Kibuba ozüing sentokadok..."

- (2 Puti 12:1)

Rehoboam ya Solomon chubar chir liasü. Tebu süür külen chuba yimsüsüba pai agi. Saka pa tebu memesük, kechiaser pa shisamaka den shisa tatsü liasü. Anungji kopi meli-i pa yimli ana (2) aküm. Item ajak koma tenzük ta süra Rehoboami Tsüngrem dang shisatsü memeshi, aser iba den Tsüngrem ozüing sentokatok.

Pa taküm ajanga ano kechisa angur? - Pa dak jakla tamajung liasü. Pai tangar nungi shisatsü kheni magi. Pa teret majang chuba ka asü, anungji temulung alemtsü kecha mali asü. Pa mapang nung inyaktetba kecha mali asü, saka inyaksaba dang liasü. Tebui inyaka yutsüba nung dang asüküma aliba jabaso ka liasü.

Na komala nisung ka? Nai kecha meinyakteter sernung tsürabur rongsen nung na ngasangatema alir asü? Na lenir ka asütsü akok, saka Tsüngrem nungi shisatsü magira Rehoboam ama lungjemdaksütü melen, telemsa adokdatsür asütsü. Ne taküm nung takok linüra Tsüngrem ozüing tesentokma.

saka kasa mapang nungi kiralongrartem Mbagwen aser Utyondu nata amak. Yimtsüing ana nungjia Khristan aika tepsetogo, saka tang tashi nungbo kwi tepsetar mejangja," ta James-isa metetdaksü.

Taküm January 3 nungi January 5 tsüingda nunga Fulani teloki Nagi aser Tse-Girgi Dajo yimtsüing na maaka liasü aser iba mapang nungi Khristan pezü kanga mejungi yiru.

2022 küm alima nung Khristantem teimtiba tepsetba linükji Nigeria liasü. Yaküm iba linük nung Khristan 5,014 tepseta liasü (Open Doors' 2023 World Watch List (WWL) report).

Iba dak alia yaküm Khristan teimtiba puer aoba linükjia Nigeria liasü. Yaküm Nigeria nung telok balalai Khristan 4,726 puer ao. Tang alima nung Khristantem

alitsü atema tamajungtiba linük 50 rongnung Nigeria ya jenjang 6buba nung lir. Yakümbo Jenjang 7buba nung ang liasü (2023 World Watch List report).

2023 World Watch List report ajanga, "Fulani, Boko Haram aser Islamic State West Africa Province (ISWAP)

kiralongrartem den tanga telok balalai Khristantem amaker, tepseter, tashiyim amshia raksatsür, aser taküm melen sen akhangtsü atema puer aoer. 2022 küm nunga iba linük nung Khristan nütsüing teimba aliba tesemtem nung item ama tatalokba aika liasü. Nigeria sorkari tang tashi iba ya yimsü nung ajemdaker reshikangshiba masü ta ashir, ibayongji kecha tarendak makai Khristantem temeden anema inyaker," ta metetdaksü.

**AO OSHI ANGAZÜKDAK:
TANÜ ANGAZÜKTSÜBA OJANG**



Orija

(n) mongnü tapu ka (type of eagle)

* Orija ozüi anüing talang nung tua yimzür.

Ori

(adv) tetsüri takok angu dang ayimba tepela ola (female cry of joy)

OLONG PAITEP # 6411

	1	2		3	4	5
6					7	
			8	9		
		10				
11						
			12			
13	14		15			16
17					18	

TIPIEN

- 1. Inyaker ajangtelba
- 3. Bangsemo adokdak
- 6. Shitak mesüi inyak
- 7. Ya mimong nung angur
- 9. Reprangzük
- 10. Tasola
- 11. S _ _ _ _
- 13. Yagi ajak ashioxtsür
- 15. Ki aokba oset
- 17. Ak shi nung inokba tasen
- 18. Ishika

LANGSÜNGLEN

- 1. Meshidak
- 2. Tanaben soshir
- 3. Iba anogo
- 4. Meshi
- 5. Yagi mi tsükloker
- 6. Shi tapu ka
- 8. Yagi ayimer saka ozü masü
- 9. Ajokba shiruru ka
- 12. Inyaktet
- 14. _ _ _ hi
- 16. Akümüli nungi pilar

OLONG PAITEP # 6410 TELANGZÜBA

TIPIEN :

- 1. Telok, 4. Aluru, 6. Ozüing, 8. Emk, 9. Kin,
- 10. Teti, 12. Süir, 13. Jen, 14. Ola,
- 16. Talak, 17. Mazük.

LANGSÜNGLEN :

- 1. Tenükjang, 2. Luden, 3. Kioktsü,
- 5. Lenti, 7. Tajangzük, 11. teronem,
- 12. Sempa, 13. Jahaz.

**Agüja aliba noksa nung meputepi
aliba 10 bushiang**



Tanur asoba anogo nung salem osang den noksa angati adokdaksünüra - Tenüing, Küm, School, Talidak & salem osang tejangja zülur, noksa (photograph - any size) ka den anogo 3 mesüra 4 jelia e-mail : tiryimiyim@gmail.com nung yokang mesüra Tir Yimiyim bureau tem nung agüjang.

TIPRA Motha-i shinga dena

melokteptsü: Pradyot

Agartala, January 27, 2023

(Agencies): Centre sorkari TIPRA Motha indang 'constitutional solution' tezüluba nung magütsüba atema election nung parnok kija dang tokteptsü.

India sorkari 'Greater Tipraland' takhangba atema tezüluba nung tenangzükba magütsü tashi teloktep mayutsü ta TIPRA Motha chairman Pradyot Kishore Manikya Debbarma-i ashi.

"Tesüiba anogo asem tashi media nung TIPRA-i tanga political party tem den teloktep ayutsü akok ta jembi, saka ni taoba mapang ashiba ama tanüa kasa dang ashi. India sorkari tezüluba nung tenangzükba ka magi tashi onoki melokteptsü" ta paisa ashi.

"Nisung aikati kü dak mamangtsü saka 1977 nungi lisopur regional political party temi Delhi-i ao aser election magidang tenangzüktep kar agi aser election sülen parnoki lisopurtem senzuka yutsü" ta Pradyot-isa metetdaksü.

"Onoki Greater Tipraland akhangba nungi masetshitsü. Onoki Delhi-i oa parnoki ashiba kanga kümdanga angaogo saka parnoki tezüluba nung kecha magütsü. Tipra Motha züngsemtem dang iba election nung teloktep mayutsü ta ni ashir. Tanü onoki candidate list renemer aser teloktep kecha malitsü. Ozü takhangba anema noktaktertem tamakok ngudaktsütsü atema ni tokteptsü. Iba ya rara tatembang asütsü" ta paisa ashi.

**Mizoram nung MNF-i lennir
ana party nungi anentsü**

Aizawl, January 27, 2023

(Agencies): Mizoram nung Mizo National Front (MNF)-i parnok lennir tejen ana party nungi anentsüogo.

MNF lennir tejen anati party anema inyakba atema anentsür ta metetdaksü.

Tena ya taoba minister & MLA K Beichhua o Mara Autonomous District Council (MADC) chairman N Viakhu na lir.

Tenati Mizoram nung MNF party anema inyakba ta tai tonglokja anentsür. K Beichhua-ibo yaküm December ita Mizoram cabinet nungi anena liasü.

Mizoram chief minister Zoramthanga-i cabinet nung nübo melenshitsü atema pa dang anenang ta ashi ta Beichhua-i metetdakja liasü.

Pai MNF MADC züngsem asem anisa aser iba ajanga yaküm November ita autonomous council nung MNF-Congress teloktep loksa ta MNF-i tai tongloktsür.

"Kü nem show-cause notice mesüra tasüngdangba kecha maliasü" ta Beichhua-i pa MNF nungi anentsüba atema mepelai ashi.

Bodo Territorial Region (BTR) nung yimtsüng 60 enoksemtsü: CM Sarma

Guwahati, January 27, 2023

(Agencies): Assam nung Bodo Territorial Region (BTR) nung yimtsüng 60 tema densemtsü ta Assam Chief Minister Himanta Biswa Sarma-i ashi.

Yimtsüng 60 ji Dhekiajuli, Sootea, Biswanath, Behali aser Gohpur kübok revenue villages 43 aser forest villages 13 asütsü, ta CM Sarma-i ashi.

"January 2020 nung Bodo tenangzüktep agiba nung aliba ama ozü sorkari BTR nung



OFFICE OF THE
MONGSENYIMTI STUDENTS' UNIT KOHIMA
KOHIMA : NAGALAND

TENÜNGSANG AGÜTSÜR

Lt. Wb Angumtemsu aser Wt Satemzungla na jabaso Dr. Lipoktoshi-i "Rural Entrepreneurship in Nagaland: Problems and Prospects." onük nung, achaayanga Dr. Amrendra Kumar, Department of Commerce, Nagaland University, Kohima Campus Meriema kübok, Doctor of Philosophy (Ph.D) renema tenüing tajung bener arutsüba asoshi Mongsenyimti Students' Unit Kohima -i pa nem tetushi aser tenüingsang agütsür.

Tarutsü nunga nü wadang takok nung temaba jenjang tongteta aotsü MSUK-i yimla atar.

Sd/-
Wapangnungsang Pongen
Tir, MSUK



Sd/-
Moalemla Pongen
Tongti Zulur, MSUK

SÜR KÜM 3 ABENSAR

Onoki teti meima aliba
Asür. Mrs. K. MERENLA



(28.01.2020)

Oja

Nai onok toktsür orr küm asem abensar saka na onok den teti lir amai bilemer. Shisa ramaa mao tashi, onok mulungjang nung na teti alitsü.

Onoki na menungrar.

-Temeim kinungbo aser tanurtem

SANGDONGER

Onok tsünglanglen agüja aliba NDPP. Dilong unit nung lanurtem NDPP Active aser Primary membership nungi anener aser taoba Ex.MLA aser tang aruya aliba election nung 26th Aonglenden A/C nungi tokteptsü aliba candidate, Wb.Toshipokba Longkumer yaritsü lemteter :

- 1. Imnanungsang, President
- 2. Nangshikaba, Vice president
- 3. Sakurepba, Executive
- 4. Lipokchuchang, Executive
- 5. Meyayungdang, Executive
- 6. Limasanen, Executive
- 7. Bendangsünep, Executive
- 8. Nokrongiensa, Executive
- 9. Katimongba, Executive

Sd/-

Imnanungsang,
President, NDPP Youth WIng,
Dilong Unit.

Bodo Territorial Region (BTR) nung yimtsüng 60 enoksemtsü: CM Sarma

Bodo nunger nütsüng yongsük 80 tashi aliba yimtsüngtem dendaktsütsü lemtetogo" ta pai ashi.

Bodo tenangzüktep ya National Democratic Front of Bodoland (NDFB) telungpur telok pezüprong den sign sütepa liasü.

"CM Sarma-i iba Republic Day nung BTR peace accord nung lateta aliba mapa inyaktsü sempet agütsüba atema kanga pelar" ta Bodoland Territorial

Council (BTC) chief executive member Pramod Bodo-i ashi.

CM Sarma-isa Bodoland lungkak aitba mapang taküm bendanga agütsür nisung 2,001 indang kibong shia nem Rs 5 lakh teyari agütsütsü metetdaksü.

Assam CM-isa March 31 nü Assam nung Students Day amongtsü aser iba ya Father of Bodos Upendranath Brahma nüngtem nung amongtsü ta ashi.

Karachi nung chemical tamajung agi nisung 18 asü

Islamabad, Aenjeti/January 27 (Agencies): Pakistan indang yimti tulutiba, Karachi nung factory aliba tesem nungi miim aketba chemical ajanga anogo 16 tsüngta nisung 18 asü.

Sindh province indang health department ajanga Brehostibarnü sangdong ka nung Karachi kübok Keamari district indang Ali

Muhammad Goth tesem nung January 10 nungi January 26 tsüngta nisung asüba shia liasü.

"Item asüba indang kuli bushiba nung chemical temi tepokpok nung tashidak adokdaksü ta bushitet. Kongshia aliba tesemtem nung pneumonia anepalutsü atema medical camp tem amenoka lir. Ano maneni

bushisüngdang," ta sangdong ajanga ashi.

Yangji alirtemi ashiba agi, parnok yimtsüng nung aliba factory ana nungi tezüknem tamajung adoka tango mesashiteti akum, ta Health Department ajanga ashi.

Asürtem ya temang metaa terok akong aser tango

mesashiteti liasü, ta department odongtar Mehar Khursheed-i ashi.

"Shirang tenzüker anogo pungo nungi tenet tsüngta nisung asü tenzüker. Shiranga alirtem temang tendangba nung parnok dak ara adokba meliasü. Tenük arongba liasü aser nüburtemi parnok aliba tesem nung

tezüknem tamajung asoshi shisabolua liasü," ta lai osangbener dang ashi.

Ali Muhammad Goth nung alir Hafeez Leghari-i osangbener dang ashiba agi, asürtem rongnung nisung tain asem liasü aser tanünga ajak arishi küm ka nungi 13 tsüngta liasü.

"Sorkari factory tem shibangja lir, aser ketdangsurtem nüburtem den senden amentsü aser bushisüngdangtsü arua lir," ta Leghari-i ashi.

Iba province indang chief minister Murad Ali Shah-i asüba osang angashia asükhü lemsatepogo aser ketdangsur dang bushisüngdangtsü totuyuba agütsü.

Listed below are the names with rank and file of the party from Yaongyimsen Dimapur Unit, Yaongyimsen Chumukedima Unit, Yaongyimsen Nukshiyim who had supported the NDPP Candidate Shri. Imnatiba in the 2018 State Legislative Elections. Going forward they are pledging their allegiance in support of Shri. Nukulutoshi for the upcoming 2023 State Legislative Elections under the 22nd Arkakong Constituency, Mokokchung District.

YAONGYIMSEN DIMAPUR UNIT

- | | |
|----------------------|----------------------|
| 1. Imnameren | 34. Benjontoshi |
| 2. Bendangwapang | 35. Imolemsü |
| 3. Imotemjen Jamir | 36. Takosunep |
| 4. Imtisosang Imsong | 37. Rongsenlila |
| 5. Sowa Imsong | 38. Nükshilemla |
| 6. T. Asangla Jamir | 39. I. Mar Lkr. |
| 7. M. Akaba Imsong | 40. Limatula |
| 8. Chubatemsü | 41. Alialemzüng |
| 9. Tiakümla | 42. Mapulemla |
| 10. Süngjemla Imsong | 43. Imtilemba |
| 11. Temsunungla | 44. Pursenla |
| 12. I. Temjen Imsong | 45. Yangertemjen |
| 13. S. Apokla Lkr. | 46. Lolenmongla |
| 14. Anungla Imsong | 47. Tamsürenla |
| 15. C. Meren Jamir | 48. Imtiküzmük |
| 16. I. Akum Jamir | 49. Takomongba |
| 17. S. Akala Jamir | 50. Imkongaküm |
| 18. Rongsen Lkr. | 51. Imliyadet |
| 19. Tiatula Imsong | 52. Imtiwapang |
| 20. Tia Chitten | 53. Tiapokla |
| 21. Purenla | 54. Sowalemla |
| 22. Toshi Lemdur | 55. Putunungla |
| 23. Tali | 56. Longertemjen |
| 24. Toshisangla | 57. Imsüenla |
| 25. Imtila Imsong | 58. Bendangmeren |
| 26. Takasangla | 59. Alila |
| 27. Akumenla | 60. Ayangla |
| 28. Sentinaro | 61. Martemjen |
| 29. Noksangzüngba | 62. L. Wapang Imsong |
| 30. Moala Noksang | 63. Sentila |
| 31. Limasüngküm | 64. Amenla |
| 32. Tanget Lkr. | 65. Lima Imsong |
| 33. A. Ayula | 66. Atila |

YAONGYIMSEN CHUMUKEDIMA UNIT

- | | |
|------------------|-----------------|
| 1. Imsutoshi | 26. Arenla |
| 2. Tiakumzuk | 27. Anungla |
| 3. Imtiyanger | 28. Nungsang |
| 4. Malem | 29. Asangla |
| 5. Asangla | 30. Amongla |
| 6. Atula | 31. Narola |
| 7. Temjenla | 32. Limala |
| 8. Moala | 33. Tamsutula |
| 9. Lipoksungla | 34. Tialemla |
| 10. Moasangla | 35. Toshienla |
| 11. Toshi | 36. Chuba |
| 12. Sentila | 37. Bendangla |
| 13. Tia | 38. Asenla |
| 14. Arenbenla | 39. Imsongienla |
| 15. Lanusenla | 40. Wapang |
| 16. Bendangnaro | 41. Watiba |
| 17. Takonungsang | 42. Talisunep |
| 18. Rebala | 43. Marba |
| 19. Akangmar | 44. Yanger |
| 20. Merenienla | 45. Molongnenla |
| 21. Alila | 46. Bendang |
| 22. Mapula | 47. Imli |
| 23. Moameren | 48. Temjen |
| 24. Sunep | 49. Sanen |
| 25. Molungba | 50. Lanu |

NUKSHIYIM UNIT

- | | |
|--|-----------------------------|
| 1. Shiluti - 22nd A/C Arkakong NDPP - Vice President | 16. Limasenla |
| 2. Sentimeren - NDPP Nukshiyim Unit - President | 17. Purlemba |
| 3. Mokoktoshi | 18. Shaomei |
| 4. Yimkumba | 19. Nukshitula |
| 5. Jongshinok | 20. Akuminla |
| 6. Tuten | 21. Waimerren |
| 7. Imtiongl | 22. Mapulemla |
| 8. Imnanungsang | 23. Marnenla |
| 9. Arbong | 24. Moarenla |
| 10. Imsunok | 25. Moatoshi |
| 11. Nukshienla | 26. Susula - Treasurer NDPP |
| 12. N. Lima | 27. Maimerren |
| 13. A.S. Anungla | |
| 14. Maongkala | |
| 15. Mapulepzuk | |

KELINGMEN VILLAGE

This is to notify that these are the party workers from Kelingmen Village who had supported the NDPP Candidate Shri. Imnatiba in the 2018 Elections. Going forward they are pledging their allegiance to support Shri. Nukulutoshi for the upcoming 2023 State Legislative Elections under the 22nd Arkakong Constituency, Mokokchung District.

- | | |
|-------------------------|-------------------------------------|
| 1. Moatoshi Jamir | - Secretary NDPP 22nd Arkakong A/C. |
| 2. Nungsangmanent | - Executive NDPP Kelingmen Unit |
| 3. Sungjemmeren | - Executive NDPP Kelingmen Unit |
| 4. Limakumzuk | - Executive NDPP Kelingmen Unit |
| 5. Supongnukshi | - Executive NDPP Kelingmen Unit. |
| 6. Imkongakum | |
| 7. Lanutoshi | 22. Arenbenla |
| 8. Imkongnungla | 23. Imtisongla |
| 9. Rongsenwati | 24. Aoyangla |
| 10. Chubanungsang | 25. Temjenmoa |
| 11. Imtichuba | 26. Imlikokla |
| 12. Lanutola | 27. Limatenzuk |
| 13. Meyilemla | 28. Pangeronen |
| 14. Moanaro | 29. J. Imsuwati |
| 15. T. Chubasanen Jamir | 30. Aokumzuk |
| 16. Imnatola | 31. Imsutoshi |
| 17. Maongkaba | 32. Lipokmar |
| 18. Imtinenla | 33. Imnaienla |
| 19. Bendangtoshi | 34. I. Yanglu |
| 20. Temjenchuba | 35. P. Alemla |
| 21. Moamongla | 36. Temjenrenba |
| | 37. Imsungitla |
| | 38. Imnuksungba |
| | 39. Rendipokla |
| | 40. Imliten |
| | 41. Talizungla |
| | 42. Tiasenla |
| | 43. Bendangnukshi |
| | 44. Maong Jamir |
| | 45. Odiangshi |
| | 46. Ardangsen |
| | 47. Talikaba |
| | 48. Pursangla |
| | 49. Nuktenzungba |
| | 50. Bendangmenla |

Kelingmen Village 22nd Arkakong Constituency nung tanga party nung liasüba tang NDPP Candidate Shri Imnatiba nem angati vote agütsütsü mulungteta aidertem tenüng tasen yamai:-

- | | |
|------------------|----------------------|
| 1. Opangrenba | 42. Imsunungsang |
| 2. Temjenjungla | 43. Alemjungba |
| 3. Imtinungsang | 44. Nungsentila |
| 4. Pangerwati | 45. Takomeren |
| 5. Takolemla | 46. Lanumatong |
| 6. Yashimenla | 47. A.Takosunep |
| 7. Merentoshi | 48. Meyipenla |
| 8. Marnungla | 49. A.Imkongtoshi |
| 9. Imtiduten | 50. A. Imkonglemba |
| 10. Mejakala | 51. Shilupenla |
| 11. Sakutemjen | 52. Takotila Imsong |
| 12. Imlitongzük | 53. Imlitoshi Imsong |
| 13. Lanurenba | 54. Tiasenla Imsong |
| 14. Molungnenla | 55. Purkumba Imsong |
| 15. N.Bendang | 56. Alemzüngba |
| 16. Punalemla | 57. Chubakumla |
| 17. Nukshisangba | 58. Molungsungit |
| 18. Imkongkumzük | 59. Moasangla |
| 19. Akumlemla | 60. Limasenla |
| 20. Akumienla | 61. Imsujungla |
| 21. Moanungla | 62. Marsangla |
| 22. Temjenjungla | 63. Nükshitula |
| 23. Lanutemsü | 64. Imkongyapang |
| 24. Pursenla | 65. Opangmar |
| 25. Purluba | 66. Imtisongla |
| 26. Imtiwapang | 67. I. Limatemjen |
| 27. Sentijungla | 68. P. Taienla |
| 28. Imlipenba | 69. Pangerlemla |
| 29. S.Moanaro | 70. Akholi |
| 30. Moakaba | 71. Nungsangchila |
| 31. Imkonglemba | 72. Sentizungla |
| 32. Opangnenla | 73. Yangerjungla |
| 33. Supongtongla | 74. Lanumadong |
| 34. T.Supong | 75. Marmongla |
| 35. Mapumenla | 76. Imotemjen |
| 36. Rongsentoshi | 77. Meren Jamir |
| 37. Imliremla | |
| 38. Tamsüenla | |
| 39. Merensangla | |
| 40. Marlila | |
| 41. Temjenmeren | |

Myanmar mitkari election ozüng tesashi sangdong

Naypyidaw, Aenjeti/January 27 (Agencies): Myanmar nung küm ana tejakdang tashiyim amshia sorkar atsüngdokba mitkar temi August ita tashinung election agitsü nangzüka aliba atema political party tem asoshi election ozüng tasen aser tesashi sangdongogo.

Iba ozüng yagi 2010 küm nungi ozüng balala yanglua aruba melener, kiralongra mapa inyaker ta tenüng jalokja aliba kija aser lokti den tesendaktep aliba mesüra ozüng alema inyaksangshiba party aser candidate tem nokdaker.

National election nung toktepnüa aliba party temi registration agir ita asem tsüngta züngsem 100,000 bo alitsüla aser Myanmar nunger sen kyat million 100 alitsüla. Iba sen ya sorkar meyong Myanma Economic Bank nung inoktsütsüla.

Mitkar tashi amshia sorkar atsüngdokba lenir Min Aung Hlaing-i meyongnem agüja aliba ozüng ya sorkar meyong Global News Light of Myanmar nung Hokolbarnü adoka liasü.

Mitkartemi 2021 küm February 1 nü election ajanga shimba lenir Aung San Suu Kyi apu aser tashi rakzüka liasü.

Aung San Suu Kyi ya tang tashi Myanmar nung kanga nüngtugu lir aser miimshia la anema ken o balala benoka jembiba nung aika küm 30 dak tema tepuokdak ayutsü obendang agüja lir. Lar party nung Tir Win Myint densema lenirtem anema ken o benoka jembir tepuokdak yua lir.

Mitkar tashi amshia sorkar atsüngdokba alimai aija aser United States aser danga linüktemi tenokdangba balala agüjaka mitkartemi mezüngbo election ya küm ka tsüngta agitsü sangdonga liasü. Saka mapang tatsüka lira no 2023 küm February aser August tsüngta agitsü ta sangdong.

Djokovic aser Tsitsipas na final asayatsü

AUSTRALIAN OPEN 2023



Djokovic



Tsitsipas

Melbourne, Aenjeti/January 27 (Agencies): Tokuben tashi asayamung takok ngua alisang Novak Djokovic-i Tommy Paul madak takok ngua Stefanos Tsitsipas den Australian Open final asayatsü.

Serbia nung arishi kum 35 tain Djokovic-i 7-5, 6-1, 6-2 agi America nungba madak takok ngua liasü.

Arishi kum 24 tain Tsitsipas-i Russia nung Karen Khachanov madak takok ngur pa asoshi mezüngbuba Grand

Slam ngutettsü maongka ka angur.

Greek nung seed asembuba nung alisang Tsitsipas-i Khachanov ya 7-6 (7-2), 6-4, 6-7 (6-8), 6-3 agi tsükdakja liasü.

Set tasenbuba tie-break nung match points ana kumzüka seed 18 buba Khachanov madak takok ngur Tsitsipas ya Deobarnü final asayatsü jangjaogo.

2021 French Open final nung Djokovic-i Tsitsipas madak takok ngua liasü aser iba mapang

ayangtsü tang maongka ka angur, koba Australian Open nung mezüngbuba asayar alitsü.

Ajisüaka iba takok marok ajungketsü asoshi 2018 nungi Melbourne Park nung Djokovic akoker pa mezüngbuba asütsüla.

Tebur kija asaya nung asaya 27 tashi tamakok kata majurui asayatetba alizüng tongtetsang Djokovic ya iba asayamung title ter buba angutsü nükla lir.

Iba asayamung nung takok angur ya world number one tasenba akumtsü.

Russia-i 2024 Olympics nung shilem agira onok madentsü: Ukraine

Kyiv, Aenjeti/January 27 (Agencies): Russia aser Belarus nungi saisaponger tem 2024 Summer Olympics nung tokteptsü melara iba Paris Games nung Ukraine madentsü ako, ta iba linük indang sports minister-i ashi.

Vadim Guttsait-i Bresthobarnü ashiba agi, Ukraine nung rara ali tashi Russia aser Belarus nung saisapongertem international competitions nung malitsüla.

Belarus ya Russia indang tembar tongti ka lir aser Ukraine amakba nung par li amshidaktsü.

Iba linük ana nungi saisapongertem shinga dena maden (neutrals) ama shilem agidaktsütsü asoshi lenmang bushitsü ta International Olympic Committee (IOC) ajanga ashiba sülen Guttsait-i iba o ya jembia liasü.

"International competitions nung Russia aser Belarus nung nokdangtsü aser maneni tenokdangba agütsütsü aser tarutsü nung mera agitsü atema tang teinyakdak lir," ta Guttsait-i

Facebook post ka nung ashi.

"Onoki ashiba mangashira, onok Olympics nung shilem agitsü memolungtsü aser madentsü ta meshitetsü," ta pai ashi.

Guttsait, shiba Ukraine indang National Olympic Committee tir lir, pai iba asayamung nung shilem magitsü asoshi national sports federations den jembishinü tenzüko, ta ashi.

Taoba kum February ita nungi tenzüka Russia-i Ukraine makyonga arudang international sports bodies aikati rara anema Russia aser Belarus team mesüra iba linük ana nungi saisaponger tem nokdanga arur. Kar neutral flag ka kübok tokteptsü melar.

February 24 nü Russia-i rara tenzüker anogo ishika lir IOC ajanga saisapong azüokba teloktem aser asayamung balala ayongertem dang Russia aser Belarus nungi saisaponger aser ketdangtsü nung saisapongba nung mezüngoktsü ajungshia liasü.

Ajisüaka linük ana nungi

neutrals ama saisapong nung tokteptsü lenmang bushitsü, ta Bodhbarnü shia liasü.

Passport mechi saisaponger tem tetoktepta nungi menokdangtsüla, ta IOC executive board senden ka amenba sülen sangdong ka nung ashi.

Iba osang sangdongba sülen Olympic Council of Asia ajanga takum Asian Games nung linük ana nungi saisapongertem tokteptsü asoshi maongka agütsür aser Paris Games nung Europe masü saka Asia ajanga tokteptsü lenmang ka agütsütsü, ta Bresthobarnü sangdong.

Ajisüaka Ukraine Tir Volodymyr Zelenskyy-i France Tir Emmanuel Macron dang Olympics nung Russia shilem magidaktsütsüla ta Mongulbarnü shia liasü.

Ajisüak France sorkar nungi telangzüba kecha agüja mali saka danga European linüktemi Ukraine busemer aser IOC telemtetba aitsür.

Paris Games ya taruba kum July 26 nungi August 11 tashi asayatsü sentong lir.

Pfutsero nung martial arts coaching agütsür



Kohima, Aenjeti/January 27 (TYO): IGAR (N) kübok Assam Rifles, Cheiswema Battalion indang Pfutsero COB ajanga Azadi Ka Amrit Mahotsav nung shilem ka ama January 27, 2023 nü nungi tenzüka Pfutsero nung tanur

aser kaketshir atema angati martial arts coaching class (Wushu & Kick Boxing) agütsür.

Iba coaching class ya ita ka agitsü.

Coaching class ya 45th Assam Rifles (Pfutsero Company) ajanga ketdangtsü agir,

kong taoba DGAR Wushu player aser coach rifleman N. Tomba Singh-i tanurtem aser kaketshir dang temang anema alitsü ajungshia liasü.

Mezüng anogo iba coaching class atema kaketshir 16 tenüng agütsüogo aser ano arutsü imlar.

CC Player of the Year Babar Azam-i ajanzük

Islamabad, Aenjeti/January 27 (Agencies): International Cricket Council (ICC) indang Sir Garfield Sobers award for cricketer of the year angur Pakistan nung rongnung national cricket team captain Babar Azam ya nisung tanabuba kumogo.

Azam yagu teburtem One Day International (ODI) player of the year sempet kum ana buba angu.

Taoba kum international cricket nung format ajak nung runs 2,500 alemer pa kisüng lir aser par telok ya Australia nung World T20 aser Asia Cup final tashi anir ato.

Format balala nung Pakistan

nung captain yagi runs ya average 54 nung lir aser century ti tashi yangluteta lir.

Azam ya 2021 nunga ODI player of the year award ngua liasü aser alima nung ODI batter tematiba jenjang nung lir aser 2022 kum asaya toku nung runs 600 dak tema yangluteta liasü.

Test tsütsüa pai runs 1,000 dak tema yanglutet. Ajisüaka taoba kum par linük nung test match ti tashi asayaka parnoki asaya kata mokokteti kum tembang.

England nungi Ben Stokes-i Best Test Player sempet angu aser India nung Suryakumar Yadav-i T20 Player of the Year sempet ngua liasü.

Australian Open nungi nüktzü yima Sania Mirza tsükogo



Sania Mirza

Melbourne, Aenjeti/January 27 (Agencies): India nung tennis asayar Sania Mirza asoshi tatembangba Grand Slam asaya Australian Open mixed doubles final nung tamakok ajurua tembangogo.

Arishi kum 36 tain Mirza ya India nung tetsürtem rongnung tennis asayar tajungtila liasü aser tatemsa Melbourne Park nung asayatsü shilang aser Hokulbarnü final tashi asayateta liasü.

Ajisüaka la den lar tarep külemi asayar arishi kum 42 tain Rohan Bopanna tenati Brazil nung Luisa Stefani aser Rafael Matos makok. Parnok asaya nung points 7-6 (7/2), 6-2 liasü.

Asaya temer sempet agütsüba sentong nung Mirza nüktzü yima liasü.

"Ni ajep nunga ibaji tepela nüktzü alitsü," ta Mirza-i ashi.

Melbourne nung kum 18 tejaklen Mirza ya Grand Slam tournament ka nung mezüng shilem agia liasü aser iba 2005 asayamung takok angula Serena Williams-i round asembuba nung la tsükdaktsü.

"Ni yangi tanen makai arua asayatetsüsa maongka angu aser asayamung kar akok aser final tajung kar asayaogo. Ni arishi kum 14 asüdag Rohan

ya kü indang mixed-doubles partner mezüngbuba liasü aser küinati nationals akok," ta tetsür tarep nung Grand Slam asemben aser temeyoktep tarep nung asemben Grand Slam champion Mirza-i ashi.

"Mapang talangka ogo, kum 22 ogo, aser pa dang tajungba shinga mali - kü indang tembar tajungtiba rongnung pa ka lir," ta Mirza-i Bopanna tushia ashi.

Mirza ya taoba mapang Pakistan nung cricket captain Shoaib Malik den kibong akum aser tena jabaso ka lir.

India nung rongnung WTA singles akoker mezüngbubaji Mirza lir, shiba 2005 kum lar ki aliba Hyderabad nung iba marok nguteta liasü. Kasa kum la US Open round pezü buba tongtet aser 2007 tashinung la tetsür temaba jenjang 30 rongnung densemer liasü.

La teka yiruba ajanga tarep nung temolung agütsütsüsa akum aser Swiss tsür Martina Hingis den külemi Grand Slam title asem tashi nguteta liasü.

La ya taruba ita Dubai nung asayamung ka nung shilem agiba sülen tennis asaya ajak nungi anisüngzükttsü, kong la kum ter dak tali lia arur aser tawa tennis academy ka semzüka lir.

BILEMDANGANG

"Tepela agi aneptsü makokbaji mozü kecha agia maneptsütet."